

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

De secundo

[urn:nbn:de:bsz:31-126133](#)

nisi abjecti Pastores, qui ab Angelis eo mis-
siant.

Hoc exemplum humilitatis est, quam à
Christo discere nos oportet, Matth. ii. v.
29. *Quid præsepe aliud fuit, quam cathedra
Christi, ex qua humilitatem nobis commendavit,*
ait Augustinus. Proinde erubetce su-
perbe cinis, Deus te humiliat, & tu
te exaltabis, ait Bernhardus, i. Petr.
5. v. 6.

Secundo.

Sequitur Medela, quæ fluit
1. *Ex indiciorum cumulo, Ex qui-
bus certo perspicimus, Christum promis-
sum mundi Messiam esse. Id ostendit
nobis in prælecto Evangelio, in quo
Evangelista circumstantias narrat, quæ
circa nativitatem Christi observanda hæc
sunt:*

1. *Tempus.* Messias venturus erat, sce-
ptro de Judâ ablato, ut Jacobus prædixer-
at, Gen. 49. v. 10, quod & factum est: e-
rant enim Judæi, cum Christus nasceretur,
sub Dominio Augusti Romani Imperatoris
qui & censum illis indexit, hinc ipsi co-
ram Pilato confitentur: Non habemus Re-
gem, nisi Cæsarem, Ioh. 19. v. 15.

2. *Locus.* Messias nasciturus erat in
oppidulo Bethlehem, ut Micha du-
dum prædixerat, cap. 5. vers. 2, hoc iti-
dem impletum, ut Evangelium nostrum
indicit.

Hoc vero non sine causa factum: Beth-
lehem enim interpretative est domus pa-
nis, ideoque æquum fuit, ut panis vitæ, qui
de celo descendit, ut daret vitam mundo,
ibin alceretur, Ioh. 6. v. 33, maxime, quia

prædictum, quod ex hoc oppido Dux vitæ
oriundas esset, Mich. 5. v. 2.

3. *Genu.* Messias fururus erat germe-
nus Davidis, Ieremias 23. vers. 5. furculus ex ra-
dice Isai, Esaïas 11. vers. 1. Filius Davidis,
2. Samuel. 7. vers. 12. Filius virginis
& ita semen mulieris, non semen viri, Esa.
7. v. 4. Gen. 3. v. 15. Supra communem na-
turæ cursum, modo novo & insueto, Ier.
31. v. 22.

Utrumque in Christo ita impletum.
Natus enim est ex semine Davidis, quoad
carnem, Rom. 1. v. 3. qualis etiam agnitus
fuit à muliere Cananæ, clamante: Domine
Fili David, miserere mei, Matth. 15. v. 22. à
coco sœcus viam vociferante: Iesu, Fili
David, miserere mei, Luc. 18. v. 38. Pharisæi
interrogati, quid de ipso sentirent, & cuius
Filius esset? respondebant, Davidis, Matt.
22. v. 42. Turba item, quæ præcedebant,
& sequebantur, in ingressu ejus, clamabant,
dicentes: Hosanna filio David, Matth. 21.
vers. 9.

Hoc mirabiliter ita à Deo procuratum
est, Stirps Davidis tum valde præciosa erat.
Herodes præcipios ex illa trucidari jussi-
rat, quod vero reliquum, id instar rugurii
erat, qualia sunt in vineis, & instar rugulio-
lii quo pernoctant in cucumerariis hor-
tis, Esa. 1. v. 8. Nemo ex hac familiâ Regem
amplius proditum sperasset: verum cum
omnia ferè desperata essent, Deus præcla-
rum germe, ex arida stirpe Isai propulli-
lati faciebat, quod erat Messias, cui quidem
non species & decor, ut ipso quilibet de-
lecati potuerit, Esa. 53. v. 2. sed quotquot
recepérunt eum, dedit potestatem filios
Dei fieri, Ioh. 1. v. 12. & sic mirabile fecit

con-

confilium, & magnificavit sapientiam, Isa. 28. v. ult.

Sic Matrem quod concernit, nec in illâ aberravit Christus, sed vere illa virgo, dicere potuit: Virum non novi, Luc. 1. v. 34. idque ideo factum, Augustino dicente: *Ut carerer peccato, qui venerat, ut tolleret peccatum.*

Non igitur dubitemus, quin Messias noster, quem colimus & adoramus, verus Messias sit, quem Deus mittendum promisit, adeoque cum Andrea dicere possumus: Invenimus Messiam, Joh. 1. v. 41.

2. *Exultatio Angeli nuncio.* Sic enim ait ille ad Pastores Bethlehemitico: Nolite timere, ecce! annuncio vobis gaudium magnum.

Fili hujs seculi & ipsi gaudium suum habent, hic in divitiis, ut dives ille rusticus, Luc. 12. v. 19. Ille in deliciis, ut dives epulo, qui in duebatur purpurâ & byssô, & epulabatur quotidie splendide, Luc. 16. v. 19. Iste in gloria nominis. Internum eorum, domos suas in æternum, & tabernacula sua à generatione in generationem, & celebria redunt nomina sua super terram, Psal. 49. v. 12. Verum hoc gaudium transitorium est. Transit enim mundus, & concupiscentia ejus, i. Joh. 2. v. 17.

Cum olim in summâ annonæ caritate Samariæ, castra Benhadad Regis Syriæ omniabundantia instructa, à Syris derelicta invenirent quatuor leprosi, dicebant illi: Hæc dies boni nuntii est. Sit acuerimus, & exspectaverimus, usque mane, inveniet nos iniquitas, 2. Reg. 7. v. 9.

Verum hodiernum nuncium, quod Angelus cœlitus afferit, multo melius est, per Christum enim, qui ex Mariâ virginē Beth-

lehem in obscuro stabulo natus est, à spiritualibus hostibus nostris & æternâ famâ redempti sumus, ut pote qui in mundum venit, ut vitam & abundantiam habeamus, Joh. 10. v. 11.

Quanto majus itaque hoc benefici um: tanto magis causam lætandi habemus. Beatus populus, qui scit jubilationem, Psal. 29. v. 16. Hæc est dies, quam fecit Dominus, exultemus, & lætemur in eâ, Psal. 118. v. 24. 25.

3. *Ex universali merito.* Ecce, ait Angelus, evangelizo vobis gaudium magnum, quod erit omni populo. Hic nemo prorsus exclusus est: Christus est Salvator omnium hominum, maxime vero fidelium, i. Tim. 4. v. 10.

Hoc solatium limitari nequit, ut dices, per voculam omnium non singulos generum, sed genera singulorum intelligi. Neutquam: utrumque potius complectitur. Christus omnibus hominibus natus est: Sicut per unius delictum in omnes homines condemnatio venit, sic & per unius justitiam in omnes homines justificatio vitæ, Rom. 5. v. 18. Natus quoque est generibus singulorum, Judæis & Græcis, viris & mulieribus, non enim personarum acceptor est Deus, Act. 10. v. 34-35.

Quando igitur Saranas his cogitationibus infestat nos, Christum nihil ad nos attinere, venisse eum tantum in mundum propter electos &c. non absterreamur hæc tentatione: sed recordemur verborum, quæ Angelus Domini hic, Christo nato publice proclamat, nosque vera fide includemus iis. Quod enim omnibus factum, ab eo nemo exclusus est, nisi qui incredulitate sua hac gratia privat se. Exultate

In Feste Nativitatis Christi.

Iste omnes Christiani! exclamat Augustinus: Natalis est Christi. Exultate servi, Natalis est Domini. Exultate liberi, Natalis est liberanus. Quodsi igitur quis damnatur, non ideo damnatur, quod à Christo non redemptus esset: sed quia non credit in nomen unigeniti Filii Dei, Joh. 3. v. 18.

De Secundo.

Restat *Cantela*, quæ tres complectitur Regulas, quarum

1. *Adversitatem tolera.* Joseph & Maria ad egestatis terminos redacti erant, attenuam id æquo animo tolerant, & descripti, ad censem, haud inviti comparent, ut particularum suam exfolvant.

Nos exemplo eorum instructi, non modo in genere crucem, quæ nobis à Deo imponitur, patienter feramus, cum Micha dicentes: *iram Domini portabo, c. 7. v. 9.* sed & in specie, ratione paupertatis ne desperemus, probe perpendentes: quod bona & mala, vita & mors, paupertas & divitiae à Deo sint, *Sir. 11. v. 14.*

Pauperes magnam prærogativam præ divitibus habent.

1. Enim placide dormiunt: ubi ex adverso vigilia divitiarum tabefacit carnes, & cogitatus illius auffert somnum, *Sir. 31. v. 1.*

2. Tuto peregrinari & iter facere possent, prædones non pertimescentes.

-- *Cantat vacuus coram latrone viator,*
inquit Juvenalis.

Cum Nebucadnezar Hierosolymam post trinam obsidionem caperet, Rex Iuda Sedecias cum Principibus & Purpuratis

captivus abducebatur, pauperes vero populi relinquebantur in regione, *Jer. 52. v. 10.* seqq. Ita fieri amat tempore belli, ibi pauperes non habent, quod magnopere pertimescant, ubi enim nihil est, Cæsar & Suecotum jurisdictio cessat. Qui vero opibus instructus est, undique oppugnatur. Sicut malus, sive pirus, quæ malis aut pirus redundat, hinc inde fustibus & lapidibus impetratur: quæ vero fructibus destituitur, nullo modo luditur.

3. *Quoque experientia discunt:*

-- *quam parvo licet producere vitam,*
Et quantum natura petat.

Ut Poëta Lucanus canit,

Socrates aliquando forum perambulans cum multa ibi venum prostare cerneret, dicebat secum: *O quam multis ego non indigo!* Hac quoque in parte egeni opulentos antecellunt, quod abundante superflue, aliisque rebus, quibus divites luxuriantur, non indigeant, sed quando aquam & panem, & vestimentum & domum habent, quo tegere possunt, quorum nos pudet, contenti sunt, *Sir. 29. v. 28.* idque magnus questus est, *I. Tim. 6. v. 6.*

4. Deo quoque commodius serviunt, nec tot impedimenta habent, ut divites, qui à sollicitudinibus, & divitiis, & voluntatibus vitae euntes suffocantur, & non referunt fructum, *Luc. 8. v. 14.*

5. Majori quoque cum animositate mūdo valedicere possunt. Divites cor divitiis apposuerunt, *Psal. 62. v. 11.* & quando mors eos est avocatura, moleste ferunt, quod ex divitiis nihil secum auferre possint, *Psal. 49. v. 18.* hoc ipso vero devotione eorum